

## Jí<sup>2</sup> 'lá<sup>a2</sup> 'wii<sup>212</sup> gasii<sup>1</sup> in San Pablo tíi<sup>2</sup>i Timoteo

### *Sii<sup>1</sup> in Poo<sup>2</sup> jí<sup>2</sup> tya' Timoteo*

<sup>1</sup> Jna-a, Poo<sup>2</sup>, síi<sup>3</sup>na 'e jí<sup>2</sup> lo. Líi<sup>1</sup>na tsá<sup>2</sup> tya' Jesús to<sup>2</sup> tyu<sup>2</sup> Dios Jmii<sup>21</sup> 'in jmoo<sup>1</sup>o tiin<sup>13</sup>na' joongi to<sup>2</sup> tyu<sup>2</sup> Ña'ñu<sup>1u</sup> Jesucristo. 'Ii-o uncoon<sup>13</sup> jna' la ngóo<sup>1</sup> 'naai<sup>13</sup>. <sup>2</sup> Síi<sup>3</sup>na 'e jí<sup>2</sup> lo tyi'i, Timoteo, joon lawa yuu<sup>n21</sup> tyiia 'nu tsu galija<sup>2</sup>mo líi<sup>2</sup>u Jesús 'wii<sup>13</sup> jna. Cwocwo<sup>1</sup>o Dios Ñu<sup>1u</sup> coon<sup>13</sup> Ña'ñu<sup>1u</sup> Jesucristo 'e jmaa<sup>1</sup>a feei<sup>1</sup>-tsi tyi'i coon<sup>13</sup> fo'feei<sup>1</sup> tyi'i joon 'e seen<sup>21</sup>mo'o tyú<sup>2</sup>.

### *Jo cwo<sup>3</sup>o 'e<sup>2</sup>e tsá<sup>2</sup> xeei<sup>21</sup> júu<sup>3</sup> tajuu<sup>21</sup>*

<sup>3</sup> La jéei<sup>1</sup>gi gangóo<sup>3</sup>oo líi<sup>21</sup> Macedonia gamí<sup>3ii</sup> tyani'i 'e jon<sup>1</sup>on fu Efeso, 'e tyuu<sup>13u</sup> to<sup>2</sup> 'inlíi<sup>13</sup> tsá<sup>2</sup> do 'e jo 'e<sup>2</sup>e tsá<sup>2</sup> xeei<sup>21</sup> júu<sup>3</sup> 'e jo jo<sup>1</sup>. <sup>4</sup> Cwo<sup>3</sup>o cwáain<sup>1</sup> 'in tsá<sup>2</sup> do 'e jmáa<sup>1</sup>a cu<sup>2</sup>-tsi coon<sup>13</sup> júu<sup>3</sup> tya' tsaun'áai<sup>1</sup> joongi coon<sup>13</sup> jí<sup>2</sup> 'láai<sup>2</sup> tya' 'líi<sup>212</sup> tsacøøi<sup>13</sup> tsu 'e júu<sup>3</sup> lo jmoo<sup>1</sup>o jmai<sup>2</sup> 'e jo cwo<sup>1</sup> tsá<sup>2</sup> júu<sup>3</sup> ruu<sup>21i</sup>. Jo uncoon<sup>13</sup> 'e júu<sup>3</sup> do wa'a litsáai<sup>1</sup>gi-tsi tsá<sup>2</sup> Dios.

<sup>5</sup> 'E 'yu to<sup>2</sup> tya' júu<sup>3</sup> tyú<sup>2</sup> tya' Dios 'e 'iin<sup>212</sup>mo tsaruu<sup>21i</sup> coon<sup>13</sup> 'e tyú<sup>2</sup>-u, jo tóin<sup>1</sup> júu<sup>3</sup> tya'a, joon joo<sup>1</sup>o líi<sup>2</sup>. <sup>6</sup> Pe 'inlíi<sup>13</sup> gatuu<sup>21o</sup> 'e júu<sup>3</sup> lo joon gali'in<sup>212</sup>in nuu<sup>1un</sup> júu<sup>3</sup> 'e jo tyiin<sup>2</sup>. <sup>7</sup> 'In<sup>212</sup>in líi<sup>1</sup>in tifo<sup>2</sup> pe jiin<sup>13</sup> yaai jo 'øøi<sup>21</sup>-tsi 'ee 'e faa<sup>21</sup>a jon'gi 'øø<sup>21</sup>-tsi 'ee 'ee<sup>1</sup>e xufin<sup>13</sup> 'ee<sup>1</sup>o jo cu<sup>2</sup>-tsi.

8 Ne<sup>2</sup>o' 'e tyú<sup>2</sup>-u 'e ley gacwo<sup>1</sup>o Dios tsá<sup>2</sup> wa'a li' jmoo<sup>1</sup>o tsá<sup>2</sup> coon<sup>13</sup> jiin<sup>13</sup> la 'iin<sup>212</sup> Dios. 9 Ne<sup>2</sup>o' 'e ley do jon' tya' 'in jmoo<sup>1</sup>o 'e tyú<sup>2</sup>, pe tya' jileei<sup>21</sup> 'in jmoo<sup>1</sup>o 'e gó<sup>2</sup>, tya' 'in jo 'ee tsaa<sup>21</sup>gi-tsi, tya' 'in jo nuu<sup>13</sup>un, 'in jo un'goo<sup>21</sup> Dios, 'in røøi<sup>21</sup> tsaa<sup>2</sup>. 'E ley do tya' jileei<sup>21</sup> 'in ungøøi<sup>1</sup> Dios, 'in faa<sup>21</sup>a 'laa<sup>21</sup> tya' 'e tyú<sup>2</sup>, 'in jngáai<sup>13</sup> sáa<sup>3</sup> jmii<sup>21</sup> joongi jngaai<sup>13</sup> ruu<sup>21</sup>i. 10 Joongi 'e ley do tya' 'in feei<sup>1</sup> tsamí<sup>2</sup> joongi tya' tsá<sup>2</sup> 'in tóin<sup>1</sup>, 'in 'iin<sup>212</sup>in tsañuu<sup>1</sup>, joongi tya' tsá<sup>2</sup> 'in ngi<sup>1</sup> to<sup>2</sup> 'uun<sup>21</sup>in tsá<sup>2</sup>. 'E ley do tya' 'in jmoo<sup>1</sup>o júu<sup>3</sup> tajuu<sup>21</sup> tya'ni tsaa'to<sup>2</sup>, joongi tya' doñi'iin tajuu<sup>21</sup>. 'E ley do tya' jilaa<sup>21</sup> 'e sá<sup>2</sup> 'e faa<sup>21</sup>a 'laa<sup>21</sup> tya' 'e júu<sup>3</sup> tyú<sup>2</sup>. 11 Joon 'e júu<sup>3</sup> tyú<sup>2</sup> lo júu<sup>3</sup> tya' Dios 'in tyúi<sup>1</sup> joon 'ii gatyaa<sup>1</sup> cwóo<sup>3</sup>oo.

*Cwoo<sup>1</sup>-o Poo<sup>2</sup> 'maai<sup>13</sup> Dios 'wii<sup>13</sup> fee<sup>1</sup>mo-tsi Dios 'wii<sup>212</sup> tya'a*

12 Joon cwo<sup>1</sup>oo 'maai<sup>13</sup> Ña'ñu<sup>1</sup>u' Jesucristo, 'in cwo<sup>1</sup> jna pí<sup>2</sup>. 'Ii-o nigacoon<sup>21</sup>o cwáain<sup>1</sup> 'e tyú<sup>1</sup>na joon nigacwo<sup>1</sup>o jna to<sup>2</sup> tya'a 'e jmáa<sup>3</sup>aa. 13 Nigacwo<sup>1</sup>o jna 'e to<sup>2</sup> lo fiin<sup>13</sup> foo<sup>21</sup>-oo 'laa<sup>21</sup> tya'a la mo jéei<sup>1</sup> joon ga'øø<sup>2</sup>na tsá<sup>2</sup> tya'a joongi gajmee<sup>13</sup>na pe Dios galifee<sup>1</sup>mo-tsi tyiia tsu la mo jéei<sup>1</sup> jo tsáai<sup>1</sup>-tsii júu<sup>3</sup> tyú<sup>2</sup> joon jo ñi<sup>3</sup>ii jilaa<sup>21</sup> 'e jmóo<sup>3</sup>oo. 14 Pe cwa<sup>13</sup> tya' Ña'ñu<sup>1</sup>u' 'áa<sup>1</sup>mo galifee<sup>1</sup> coon<sup>13</sup> jna joon galili<sup>13</sup>oo xiiala 'iin<sup>212</sup>in Cristo Jesús jna 'e jo<sup>1</sup>o líi<sup>2</sup>na.

15 'E júu<sup>3</sup> lo 'e la ja<sup>2</sup>mo, joon la jilee<sup>21</sup>mo 'ná<sup>1</sup> litsáai<sup>1</sup>-tsi Cristo Jesús nigajó<sup>2</sup> ni cwoo<sup>13</sup> juncwii<sup>21</sup> 'e jmáa<sup>1</sup>a tiin<sup>13</sup> jileei<sup>21</sup> 'in røøi<sup>21</sup> tsaa<sup>2</sup> joon jna-a nifu-gi jee<sup>212</sup> 'ii. 16 'Áa<sup>1</sup>mo garøø<sup>21</sup>na tsaa<sup>2</sup>. Joon

Jesucristo ga'in<sup>2</sup>mo tsaa<sup>2</sup> tyiia. Joon mo gajmaa<sup>1</sup>a Jesucristo feei<sup>1</sup>-tsi tyiia ga'e<sup>2</sup>e Dios tsá<sup>2</sup> 'e lí<sup>2</sup>-i 'iin<sup>2</sup> tsaa<sup>2</sup> tya' tsá<sup>2</sup> 'in jalín<sup>2</sup> ciiin<sup>21</sup>gi 'in jai<sup>2</sup> líi<sup>2</sup> 'ii. Joon coon<sup>13</sup> la joon itéein<sup>2</sup> tsá<sup>2</sup> coon<sup>21</sup> tøø<sup>2</sup>mo fu li tyín<sup>1</sup> Dios Jmii<sup>21</sup>. 17 'Wii<sup>13</sup> joon cwofaa<sup>21</sup>a' coon<sup>21</sup> tøø<sup>2</sup>mo júu<sup>3</sup> tyú<sup>2</sup> tya' 'in Dios Jmii<sup>21</sup>, 'ii seen<sup>21</sup> coon<sup>21</sup> tøø<sup>2</sup>mo, jo júun<sup>2</sup>in jon'gi lí<sup>2</sup> jøøi<sup>2</sup> tsá<sup>2</sup> 'ii. 'Ii-o jaain<sup>21</sup> Dios 'in jmi<sup>1</sup>-tsi. 'Ná<sup>1</sup>-a un'goo<sup>21</sup>o' 'ii. Joon 'ná<sup>1</sup> cwoo<sup>21</sup>o' jilaa<sup>21</sup> 'e 'ya<sup>2</sup>gi tya'a coon<sup>21</sup> tøø<sup>2</sup>mo. Amén.

18 Y<sup>uun</sup><sup>21</sup> tyiia, Timoteo, tyí<sup>3</sup>aa cwoo<sup>1</sup>o 'elo. Cwoo<sup>13</sup>-o'o cwojmaa<sup>21</sup>a la gafuu<sup>212</sup>uu 'næ coon<sup>21</sup> tún<sup>2</sup> jiin<sup>13</sup> la gajin<sup>2</sup> tsaru<sup>1</sup>u' la mo jéei<sup>1</sup> 'ii<sup>21</sup> tya' Dios. Joon coon<sup>13</sup> la joon lí<sup>2</sup> tyuu<sup>13</sup>u jilaa<sup>21</sup> júu<sup>3</sup> 'e jo jai<sup>2</sup>. 19 Cwotyán<sup>2</sup> pí<sup>2</sup> jilaa<sup>21</sup> 'e jai<sup>2</sup> líi<sup>2</sup>u. Jmai<sup>2</sup> 'e tyú<sup>2</sup>-u 'i<sup>1</sup>-o'o tsæ 'inlíi<sup>13</sup> nigaxee<sup>1</sup>mo-tsi 'elo, gatuu<sup>21</sup>o jilaa<sup>21</sup> 'e jo<sup>1</sup> líi<sup>2</sup>. 20 La joon gangangíi<sup>2</sup> Himeneo coon<sup>13</sup> Alejandro. 'Wii<sup>13</sup> joon gacwo<sup>2</sup>moo 'in 'líi<sup>3</sup> Satanás 'ii la coon<sup>21</sup> cwountsáa<sup>1</sup>a 'e jo faa<sup>21</sup>a 'laa<sup>21</sup> tya' Dios coon<sup>13</sup> júu<sup>2</sup> tya'a.

## 2

*'Ee<sup>1</sup>e Poo<sup>2</sup> xiiala faa<sup>21</sup> tsá<sup>2</sup> júu<sup>3</sup> tyú<sup>2</sup>*

1 'E júu<sup>3</sup> 'íi<sup>3</sup> lo 'e tyiin<sup>2</sup>gi 'e mí<sup>1</sup> tsá<sup>2</sup> tyani Dios joon faa<sup>21</sup>a tsá<sup>2</sup> júu<sup>3</sup> tyú<sup>2</sup>, mí<sup>1</sup> tsá<sup>2</sup> jmi<sup>212</sup> 'aa<sup>212</sup> joon cwo<sup>1</sup>o 'maai<sup>13</sup> Dios tya' jileei<sup>21</sup> tsá<sup>2</sup>. 2 'Ná<sup>1</sup>-a la joon tya' tsaa<sup>2</sup>to<sup>2</sup> joongi tya' jileei<sup>21</sup> 'in 'oo<sup>1</sup>o to<sup>2</sup>, la coon<sup>21</sup> 'e jo untyín<sup>2</sup>gi tsá<sup>2</sup> jna' joon seen<sup>21</sup>na' tyú<sup>2</sup>-u tyani Dios joongi tyani tsaruu<sup>21</sup>na'. Tsaa<sup>2</sup>-oo'

Dios, tyú<sup>1</sup>naa' coon<sup>13</sup> tsá<sup>2</sup>. 3 'Elo-o 'e tyú<sup>2</sup> joon 'yaa<sup>1</sup>mo-tsi Dios Jmii<sup>21</sup>, 'in jmoo<sup>1</sup>o tiin<sup>13</sup>na'. 4 Tsu 'ii-o 'iin<sup>212</sup>in tiin<sup>13</sup> jilee<sup>21</sup>mo joon wa'a cwoliñi<sup>1</sup>o 'e júu<sup>3</sup> jai<sup>2</sup>. 5 Jaan<sup>21</sup>mo Dios 'in seein<sup>21</sup>, joon jiin<sup>13</sup> 'ña'a Jesucristo, 'in galíi<sup>1</sup>i tsañuu<sup>1</sup>, lí<sup>2</sup> jmáa<sup>1</sup>a 'ii<sup>21</sup> coon<sup>13</sup> Dios la joongi coon<sup>13</sup> tsá<sup>2</sup>. 6 Tsu 'ii-o gacwóoi<sup>1</sup> 'ña'a 'e tyi<sup>2</sup> jilaa<sup>21</sup> tsa<sup>2</sup> tya' tsá<sup>2</sup>. Joon mo tí<sup>2</sup> 'ii<sup>21</sup> gajmaa<sup>1</sup>a Dios Jmii<sup>21</sup> júu<sup>3</sup>. 7 'E júu<sup>3</sup> ja<sup>2</sup>mo lo, Dios gatyii<sup>13</sup>in jna wa'a nicwóo<sup>3</sup>oo 'e júu<sup>3</sup> do. Gatyii<sup>13</sup>in jna 'e 'e<sup>2</sup>ee jileei<sup>21</sup> tsá<sup>2</sup> taain<sup>212</sup> ni cwoo<sup>13</sup> juncwii<sup>21</sup> xiiala gajmaa<sup>1</sup>a Dios 'ii<sup>21</sup> 'e tiin<sup>13</sup> tsá<sup>2</sup> mo jai<sup>2</sup> líi<sup>2</sup> tsá<sup>2</sup> 'e júu<sup>3</sup> ja<sup>2</sup>mo 'e fo<sup>3</sup>oo lo.

8 'Iin<sup>212</sup>na wa'a 'e faa<sup>21</sup>a tsañuu<sup>1</sup> júu<sup>3</sup> tyú<sup>2</sup> doñixiaa' téein<sup>2</sup>. Joon mi faa<sup>21</sup>a júu<sup>3</sup> tyú<sup>2</sup> do cwoseein<sup>21</sup> tyú<sup>2</sup>, ca nii<sup>2</sup>mo alma tya'a jon'gi 'nii<sup>21</sup>-tsi, jon'gi to<sup>2</sup> tíi<sup>1</sup>. 9 La joon tsamí<sup>2</sup>, 'iin<sup>212</sup>na 'e ci<sup>1</sup>o siin<sup>13</sup>in 'e jo suuin<sup>21</sup> tsañuu<sup>1</sup> 'ii joon 'e ngi<sup>1</sup> coon<sup>21</sup> tún<sup>2</sup>, jon'gi coon<sup>13</sup> jmí<sup>3</sup> tyí<sup>1</sup>i 'in caai<sup>13</sup> cwanáa<sup>13</sup> si perla 'ee. Jon'gi ci<sup>1</sup>i siin<sup>13</sup>in 'e 'moo<sup>3</sup> líi<sup>1</sup>. 10 Pe jmoo<sup>1</sup>o jmai<sup>2</sup> 'e tyú<sup>2</sup> tya' jileei<sup>21</sup> tsá<sup>2</sup> la tíi<sup>2</sup> jmá<sup>1</sup> tsamí<sup>2</sup> 'in jin<sup>2</sup>o 'e tsa<sup>2</sup>-tsi Dios Jmii<sup>21</sup>. 11 Jileei<sup>21</sup> tsamí<sup>2</sup> 'ná<sup>1</sup>-a jón<sup>2</sup> tii<sup>2</sup> jee<sup>212</sup> lí licaain<sup>21</sup> tsá<sup>2</sup> 'in jai<sup>2</sup> líi<sup>2</sup> Jesucristo joon 'ná<sup>1</sup> nuu<sup>13</sup>o. 12 Jna-a jo cwo<sup>1</sup>oo lín<sup>2</sup> tsamí<sup>2</sup> tifo<sup>2</sup> jon'gi tyu<sup>2</sup>u to<sup>2</sup> tsañuu<sup>1</sup> jiin<sup>13</sup> 'e ján<sup>2</sup> tii<sup>2</sup>. 13 Tsu Dios gajmeei<sup>1</sup> Adán nifu joon mi yuui<sup>13</sup> joon gajmeei<sup>1</sup> Eva. 14 'In 'líi<sup>3</sup> do jo gacon<sup>2</sup>on Adán too<sup>2</sup> pe gacon<sup>2</sup>on 'in tsamí<sup>2</sup> do too<sup>2</sup> joon 'ii ga<sup>1</sup>aa<sup>1</sup>o tsa<sup>2</sup> nifu. 15 Xu<sup>13</sup>fin<sup>13</sup> 'ná<sup>1</sup> nii<sup>21</sup> tsamí<sup>2</sup> wúu<sup>1</sup> mi liseein<sup>21</sup> jón<sup>1</sup>on 'wii<sup>13</sup> tsa<sup>2</sup> tya' Eva jileei<sup>21</sup> tsamí<sup>2</sup> lí<sup>2</sup>-i tiin<sup>13</sup>in wana jo<sup>1</sup>o líi<sup>2</sup> joon

'iin<sup>212</sup>mo Dios joon un'øø<sup>11</sup>i yaai 'e ngi<sup>1</sup> coon<sup>21</sup> ce tún<sup>2</sup>un.

### 3

*Xiiala líi<sup>1</sup>i 'in tyu<sup>2</sup> to<sup>2</sup>jee<sup>212</sup> 'in jai<sup>2</sup> líi<sup>2</sup>*

<sup>1</sup> Jo<sup>1</sup>o 'e júu<sup>3</sup> lo: wa'a 'iin<sup>212</sup>in tsá<sup>2</sup> 'e 'áa<sup>1</sup>a coon<sup>21</sup> to<sup>2</sup>jee<sup>212</sup> 'in jai<sup>2</sup> líi<sup>2</sup>, 'iin<sup>212</sup>in 'ido coon<sup>21</sup> 'e tyú<sup>2</sup>-u.  
<sup>2</sup> Jileei<sup>21</sup> 'in lín<sup>2</sup> tsacøøi<sup>13</sup>jee<sup>212</sup> 'in jai<sup>2</sup> líi<sup>2</sup> 'ná<sup>1</sup>-a ngi<sup>1</sup> 'e jo lí<sup>2</sup> cwo<sup>1</sup>o tsá<sup>2</sup> 'ido tsa<sup>2</sup>. Lí<sup>2</sup>-i liseein<sup>21</sup> jiin<sup>13</sup> jaan<sup>21</sup>mo 'oo<sup>212</sup>o. 'Ná<sup>1</sup>-a ngi<sup>1</sup> coon<sup>21</sup> tún<sup>2</sup>, 'ii<sup>1</sup> ja<sup>2</sup>mo, jmoo<sup>1</sup>o jmai<sup>2</sup> 'e tyú<sup>2</sup>-u. Joon 'in tsá<sup>2</sup> do 'ná<sup>1</sup> jmáa<sup>1</sup>a feei<sup>1</sup>-tsi tya' jileei<sup>21</sup> 'in tsafeei<sup>13</sup> 'ii fu tya'a. 'Ná<sup>1</sup>-a jon litíi<sup>21</sup> 'e<sup>1</sup>e tsá<sup>2</sup>. <sup>3</sup> Jo lí<sup>2</sup> wa'a ngi to<sup>2</sup> 'ín<sup>1</sup> jon'gi wa'a tín<sup>1</sup>in jon'gi wa'a 'iin<sup>212</sup>in cuu<sup>2</sup> 'áai<sup>1</sup> 'e jo mo gajna<sup>2</sup>a. Li' cii<sup>13</sup>i soo<sup>21</sup>-tsi 'ná<sup>1</sup> fee<sup>1</sup>mo-tsi tya' jileei<sup>21</sup>, jo 'noo<sup>1</sup>o mii<sup>13</sup>, jon'gi 'iin<sup>212</sup>in cuu<sup>2</sup>.  
<sup>4</sup> 'Ná<sup>1</sup>-a jon liíi<sup>1</sup>o xiiala tyu<sup>2</sup>u to<sup>2</sup> inuu tya'a joongi tyu<sup>2</sup>u to<sup>2</sup> jóon<sup>1</sup>on cwolinuu<sup>13</sup>un jo to<sup>2</sup>o mii<sup>13</sup>. <sup>5</sup> (Tsu wa'a jo ñi<sup>1</sup> tsá<sup>2</sup> xiiala tyu<sup>2</sup>u to<sup>2</sup> 'inuu tya'a xiiala lí<sup>2</sup> 'áa<sup>1</sup>i 'in nigalijai<sup>2</sup> líi<sup>2</sup> Dios.) <sup>6</sup> Joon jo lí<sup>2</sup> lín<sup>2</sup> tsacøøi<sup>13</sup> jaain<sup>21</sup> tsá<sup>2</sup> 'in nijai<sup>2</sup> líi<sup>2</sup> catá<sup>2</sup>. Jo cweei<sup>1</sup> tyu<sup>2</sup>u to<sup>2</sup> tsifu tsu wa'a jmaa<sup>1</sup>a jloo<sup>3</sup> joon i'láa<sup>1</sup> la ga'láa<sup>1</sup> Satanás. <sup>7</sup> Joon wa'a ilíin<sup>2</sup> jaain<sup>21</sup> tsá<sup>2</sup> tsacøøi<sup>13</sup>jee<sup>212</sup> 'in jai<sup>2</sup> líi<sup>2</sup> 'ná<sup>1</sup>-a líi<sup>1</sup>i la líi<sup>1</sup>i jaain<sup>21</sup> tsá<sup>2</sup> 'in jmoo<sup>1</sup>o tyú<sup>2</sup>-ujee<sup>212</sup> tsagoo<sup>1</sup>o 'in jo jai<sup>2</sup> líi<sup>2</sup> Jesucristo. Wana jo la joon icwo<sup>1</sup> tsá<sup>2</sup> 'ii tsa<sup>2</sup> joon ifaa<sup>21</sup>a tsá<sup>2</sup> 'laa<sup>21</sup> tya' jileei<sup>21</sup> 'in jai<sup>2</sup> líi<sup>2</sup> Dios. Joon tee<sup>21</sup>i nilá<sup>2</sup> tya' 'in 'líi<sup>13</sup>.

*Xiiala líi<sup>1</sup>i 'in uncoon<sup>13</sup> tsacøøi<sup>13</sup>jee<sup>212</sup> 'in jai<sup>2</sup> líi<sup>2</sup>*

8 La joon jon 'in tsá<sup>2</sup> 'in uncoon<sup>13</sup> 'in tsacøøi<sup>13</sup> jee<sup>212</sup> 'in jai<sup>2</sup> líí<sup>2</sup>, 'in sii<sup>21</sup> diaconeses, 'ná<sup>1</sup>-a ngí<sup>1</sup> coon<sup>21</sup> tún<sup>2</sup>. Jo ngí<sup>1</sup> cwaa<sup>21</sup> sii<sup>13</sup>i jon'gí wa'a ngí<sup>1</sup> to<sup>2</sup> 'ín<sup>1</sup> jon'gí wa'a 'iin<sup>212</sup>in cuu<sup>2</sup> 'e jo mo jna<sup>2a</sup>. 9 Joon 'ná<sup>1</sup> ñi<sup>1</sup>o jo cu<sup>2</sup>-tsi jilaa<sup>21</sup> júu<sup>3</sup> 'e gacwo<sup>1</sup> Dios jna' 'e jo<sup>1</sup> líí<sup>2</sup>na'. Joon jo 'i<sup>1</sup>-tsi 'e gó<sup>2</sup>. 10 La nu'gí ilí<sup>2</sup> uncoon<sup>13</sup> tsá<sup>2</sup> tsacøøi<sup>13</sup> 'ná<sup>1</sup> cón<sup>2</sup> tsá<sup>2</sup> cwáain<sup>1</sup> xiiala ngí<sup>1</sup> 'ido joon wana jo 'ee tsaa<sup>2</sup> tya'a sá<sup>2</sup> lí<sup>2</sup>-i uncoon<sup>13</sup>on. 11 La joon jon 'oo<sup>212</sup>o 'ná<sup>2</sup> ngí<sup>1</sup> coon<sup>21</sup> tún<sup>2</sup>. Jon'on tsamí<sup>2</sup> 'in sii<sup>21</sup>i júu<sup>3</sup> 'atsaa<sup>21</sup>. Ca nii<sup>2</sup>mo jmáa<sup>1</sup>a jo 'láa<sup>1</sup>a jilaa<sup>21</sup> 'e jmoo<sup>1</sup>o. 12 'In tsá<sup>2</sup> 'in uncoon<sup>13</sup> tsacøøi<sup>13</sup> do jii<sup>13</sup> jaan<sup>21</sup>mo 'oo<sup>212</sup>o iliseein<sup>21</sup> tya'o. 'Ná<sup>1</sup>-a tyu<sup>2u</sup> to<sup>2</sup> jóon<sup>1</sup>on tyú<sup>2</sup>-u coon<sup>13</sup> jilaa<sup>21</sup> inuu tya'a. 13 Tsu jileei<sup>21</sup> 'in untsiin<sup>1</sup> tyú<sup>2</sup>-u 'e to<sup>2</sup> 'e uncoon<sup>13</sup>on tsacøøi<sup>13</sup> do jnaa<sup>21</sup>a coon<sup>21</sup> 'e tyú<sup>2</sup> tya'a joon lí<sup>2</sup> faa<sup>21</sup>a jo cu<sup>2</sup>-tsi cwáain<sup>1</sup> tya' xiiala tsaa<sup>1</sup>-tsi tsá<sup>2</sup> Cristo Jesús.

### *'Eja<sup>2</sup>mo líí<sup>2</sup>na'*

14 Jilaa<sup>21</sup> júu<sup>3</sup> lo gatón<sup>3</sup>oon ni mo'jí<sup>2</sup> lo 'e síí<sup>3</sup>na tyi'i xufiin<sup>13</sup> 'i<sup>1</sup>-tsii yí<sup>3</sup>aa la jmoono. 15 Pe wa'a la 'íí<sup>212</sup>na lí<sup>2</sup>-i liñí<sup>3</sup>i xiiala 'ná<sup>2</sup> jmaa<sup>1</sup>a tsá<sup>2</sup> jee<sup>212</sup> 'in jai<sup>2</sup> líí<sup>2</sup> 'in lín<sup>2</sup> lawa cwo<sup>1</sup> tya' Dios 'in jii<sup>1</sup>. Joon la cwaain<sup>21</sup> 'oo<sup>21</sup> ni tífuu<sup>21</sup> cwo<sup>1</sup> pí<sup>2</sup>, la joon jon 'in jai<sup>2</sup> líí<sup>2</sup> Dios cwo<sup>1</sup> pí<sup>2</sup> tya' 'e jai<sup>2</sup> tya' Dios. 16 Joon ja<sup>2</sup>mo. Fee<sup>1</sup> 'áa<sup>1</sup>mo 'e júu<sup>3</sup> 'uuin<sup>21</sup> 'e Dios ga'e<sup>2</sup> tsá<sup>2</sup> xiiala sein<sup>21</sup> tsá<sup>2</sup> tyú<sup>2</sup> tyaní<sup>1</sup>i 'e jin<sup>2</sup>:

Gacwéi Dios líí<sup>1</sup>i tsá<sup>2</sup>, joon 'in Espíritu Tyú<sup>2</sup> ga'í<sup>2</sup>  
júu<sup>3</sup> 'e tyú<sup>1</sup>mo 'ii.

Ní<sup>2</sup>mo ángeles 'ii.

Joon gacwo<sup>1</sup> tsá<sup>2</sup> jileei<sup>21</sup> 'in taain<sup>212</sup> nicwoo<sup>13</sup>  
juncwii<sup>21</sup> júu<sup>3</sup> tyá<sup>2</sup> tya'a.

Joon jo<sup>1</sup>o galíi<sup>2</sup> tsá<sup>2</sup> taain<sup>212</sup> juncwii<sup>21</sup> 'ii.

Joon ga'ii<sup>21</sup>mo Dios 'ii fu ñu'fú<sup>2</sup> tún<sup>1</sup>.

## 4

### *Xiiala líi<sup>1</sup> 'in tá<sup>2</sup> 'e júu<sup>3</sup> jai<sup>2</sup> tya' Dios*

<sup>1</sup> 'In Espíritu Tyá<sup>2</sup> gatyaa<sup>1</sup> júu<sup>3</sup> 'a la ti 'e jee<sup>212</sup>  
jmíi<sup>212</sup> lí gatséi<sup>1</sup> 'inlíi<sup>13</sup> ituu<sup>21</sup> jiiin<sup>13</sup> 'e tsáai<sup>1</sup>-tsi.  
Joon iunjíi<sup>2</sup>o jilaa<sup>21</sup> espíritu gó<sup>2</sup> incón<sup>2</sup> 'ii tóo<sup>2</sup>  
coon<sup>13</sup> jilaa<sup>21</sup> júu<sup>3</sup> tya' 'in 'líi<sup>13</sup>. <sup>2</sup> Inúu<sup>1</sup>u tsá<sup>2</sup> 'in  
faa<sup>21</sup>a júu<sup>3</sup> tajuu<sup>21</sup> lawa júu<sup>3</sup> ja<sup>2</sup>mo, tajuu<sup>21</sup>mo 'in  
jo lí<sup>3</sup>gí 'e gó<sup>2</sup>. La jo lí<sup>3</sup>gí tyí<sup>2</sup> mo suu<sup>21</sup> tsá<sup>2</sup> ñí<sup>3</sup> tyí<sup>2</sup>  
la joon jon 'in tsá<sup>2</sup> do jo lí<sup>3</sup>gí 'e gó<sup>2</sup>. <sup>3</sup> Untsaa<sup>13</sup>mo  
'in tsá<sup>2</sup> do wa'a cui<sup>2</sup> cwoo<sup>21</sup>o tsá<sup>2</sup> joon tyu<sup>2</sup>u to<sup>2</sup>  
'e sá<sup>2</sup> 'láai<sup>2</sup> nii<sup>2</sup> 'uunñi<sup>2</sup> 'e jo lí<sup>2</sup> dø<sup>2</sup> tsá<sup>2</sup>. Pe Dios  
gacwoo<sup>1</sup> jilaa<sup>21</sup> 'e lí<sup>2</sup>-i dø<sup>2</sup> tsá<sup>2</sup>. Joon jileei<sup>21</sup> 'in  
jo<sup>1</sup>o líi<sup>2</sup>, 'in ñi<sup>1</sup> júu<sup>3</sup> jai<sup>2</sup>, lí<sup>2</sup>-i dø<sup>2</sup>ø 'yaai<sup>1</sup>-tsi wa'a  
cwo<sup>1</sup>o 'maai<sup>13</sup> Dios. <sup>4</sup> Tsu tyá<sup>2</sup>-u jilaa<sup>21</sup> 'e gaj-  
maa<sup>1</sup>a Dios joon lí<sup>2</sup>-i dø<sup>2</sup> tsá<sup>2</sup> wa'a 'ii<sup>21</sup>i coon<sup>13</sup>  
'maai<sup>13</sup> Dios, <sup>5</sup> tsu nicwaa<sup>13</sup>mo coon<sup>13</sup> júu<sup>2</sup> tya' Dios  
joongi coon<sup>13</sup> 'e júu<sup>3</sup> tyá<sup>2</sup> 'e faa<sup>21</sup>a tsá<sup>2</sup>.

### *Xiiala líi<sup>1</sup> 'in jmoo<sup>1</sup>o to<sup>2</sup> tyu<sup>2</sup> Jesucristo*

<sup>6</sup> Joon wana 'e<sup>2</sup> 'e 'in jai<sup>2</sup> líi<sup>2</sup> Jesucristo jilaa<sup>21</sup>  
'elo joon tyá<sup>2</sup> jmoo<sup>21</sup>o, jmoo<sup>21</sup>o jiiin<sup>13</sup> la tíi<sup>2</sup> jmá<sup>1</sup>  
tsá<sup>2</sup> 'in cwoo<sup>1</sup> júu<sup>3</sup> tya' Jesucristo. 'Ii cwo<sup>1</sup>gí pí<sup>3</sup>  
alma tyí'i coon<sup>13</sup> júu<sup>3</sup> 'e jai<sup>2</sup> líi<sup>2</sup> tsá<sup>2</sup> joon coon<sup>13</sup>  
júu<sup>3</sup> røø<sup>21</sup> 'e nuu<sup>13</sup>un coon<sup>21</sup> tún<sup>2</sup>. <sup>7</sup> Jo unjii<sup>2</sup>i  
'e cwáain<sup>1</sup> tsáai<sup>2</sup> coon<sup>13</sup> cwáain<sup>1</sup> jo ñí<sup>2</sup>i tí jo<sup>1</sup>.  
Cwoo<sup>13</sup>-o'o jmaa<sup>21</sup>a jiiin<sup>13</sup> la to<sup>2</sup> tyu<sup>2</sup> Dios. <sup>8</sup> 'E

tyiin<sup>2</sup>moxu wa'a 'e yeen<sup>21</sup> fiin<sup>21</sup> tsá<sup>2</sup> yaai pe tyiin<sup>2</sup>gi 'áai<sup>1</sup> 'e cón<sup>2</sup> tsá<sup>2</sup> cwáain<sup>1</sup> xiiala ngi<sup>1</sup> tyani Dios. Tsu 'e júu<sup>3</sup> lo tyan<sup>1</sup> 'ii<sup>21</sup> 'e sáan<sup>3</sup>an' tyú<sup>2</sup> nano joongi li ngó<sup>1</sup>gi. <sup>9</sup> 'E júu<sup>3</sup> lo 'e la ja<sup>2</sup>mo, joon la jilee<sup>21</sup>mo 'ná<sup>1</sup> litsáai<sup>1</sup>-tsi. <sup>10</sup> Néé<sup>2</sup>o' 'e tyiin<sup>2</sup>gi 'wii<sup>13</sup> joon jmoo<sup>21</sup>o' to<sup>2</sup> 'íi<sup>3</sup> joon nee<sup>21</sup>e' wúu<sup>1</sup>. Jmoo<sup>21</sup>o' la joon tsu nicalitsáa<sup>1</sup>mo-tsi' Dios 'in jiin<sup>1</sup>. Ii-o un'øø<sup>21</sup>i jilee<sup>21</sup>mo jiin<sup>13</sup> 'in tsáai<sup>1</sup>-tsi 'ii nifu.

<sup>11</sup> Jilaa<sup>21</sup> 'elo 'ná<sup>1</sup> tyuu<sup>13</sup>u to<sup>2</sup> joon 'e<sup>21</sup>e tsá<sup>2</sup>. <sup>12</sup> Jo ngi<sup>11</sup>i wa'a jo ungoo<sup>1</sup>o tsá<sup>2</sup> 'nu 'wii<sup>13</sup> xaai<sup>1</sup>gi'i. Pe jmee<sup>1</sup>u'un 'wo'o lawa coon<sup>21</sup> li<sup>2</sup> 'e tyú<sup>2</sup>-u tyani 'in jai<sup>2</sup> líi<sup>2</sup>. Jmeei<sup>2</sup> 'wo'o lawa coon<sup>21</sup> li<sup>2</sup> 'e tyú<sup>2</sup>-u coon<sup>13</sup> xiiala ngi<sup>13</sup>i, joongi coon<sup>13</sup> jilaa<sup>21</sup> júu<sup>3</sup> tya<sup>13</sup>a, joongi coon<sup>13</sup> xiiala 'iin<sup>212</sup>mo'o tsá<sup>2</sup>, joongi coon<sup>13</sup> xiiala jo<sup>1</sup>o líi<sup>2</sup>u Dios, joongi coon<sup>13</sup> xiiala jmaai<sup>13</sup> 'e tyú<sup>2</sup>-u 'i<sup>1</sup>-o'o. Coon<sup>13</sup> jilaa<sup>21</sup> 'elo jmee<sup>1</sup>u'un 'wo'o lawa coon<sup>21</sup> li<sup>2</sup> 'e tyú<sup>2</sup>-u. <sup>13</sup> Ca mi cwée<sup>1</sup>na cwoo<sup>13</sup>-o'o fo<sup>21</sup>o júu<sup>3</sup> tyú<sup>2</sup> tya' Dios jiin<sup>13</sup> la faa<sup>21</sup>a ni jí<sup>2</sup> tya' Dios, faa<sup>13</sup>a cwonúu<sup>2</sup> jileei<sup>21</sup> tsá<sup>2</sup>. Cwo'íi<sup>2</sup> júu<sup>3</sup> 'ee 'ná<sup>1</sup> jmáa<sup>1</sup>a. Joon 'e<sup>31</sup>e tsá<sup>2</sup> 'ee 'øøi<sup>21</sup>-tsi tsá<sup>2</sup> júu<sup>3</sup> tya' Dios. Gacwo<sup>1</sup> Dios 'nu 'ii<sup>21</sup> tya'a 'e jmaa<sup>21</sup>a to<sup>2</sup> tya'a. <sup>14</sup> Jo cuu<sup>13</sup>u jmaa<sup>21</sup>a 'e júu<sup>3</sup> gacwo<sup>1</sup>o Dios 'nu mo gataan<sup>1</sup>an tsacøøi<sup>13</sup> cwoo<sup>21</sup>o tyi'i joongi gafaa<sup>21</sup>a 'ii<sup>21</sup> tya' Dios.

<sup>15</sup> Í<sup>2</sup>du-'o'o jilaa<sup>21</sup> 'elo. Cwoo<sup>13</sup>-o'o 'e jmaa<sup>21</sup>a. Joon liñi<sup>1</sup> tsá<sup>2</sup> 'e 'øøi<sup>21</sup>gi-'o'o. <sup>16</sup> Jøø<sup>21</sup>ø 'wo'o coon<sup>21</sup> tún<sup>2</sup> coon<sup>13</sup> jilaa<sup>21</sup> 'e 'e<sup>31</sup>e. Cwojmaa<sup>2</sup>gi'i tsu coon<sup>13</sup> la joon itiin<sup>13</sup>mo'o 'wo'o coon<sup>13</sup> jileei<sup>21</sup> 'in nuu<sup>1</sup>un júu<sup>3</sup> tyi'i.



## 5

*Xiiala 'ná<sup>1</sup> jmáa<sup>1</sup>a Timoteo tyani 'in jai<sup>2</sup> líi<sup>2</sup>*

<sup>1</sup> Jo jii<sup>21</sup>u'u tsacøøi<sup>13</sup> pe mi<sup>2</sup>i tyani<sup>1</sup>i lawa 'e 'ñu<sup>2</sup>o'o. Joon cwo<sup>2</sup>o cwáain<sup>1</sup> simii<sup>21</sup> lawa ruu<sup>21</sup>mo'o. <sup>2</sup> La joon jon tsayuui<sup>13</sup> lawa saa<sup>2</sup>o'o. Joon mi cwo<sup>2</sup>o cwáain<sup>1</sup> 'in simi<sup>2</sup> jii<sup>13</sup> coon<sup>13</sup> 'e tyá<sup>2</sup>-u 'i<sup>1</sup>-o'o.

<sup>3</sup> Unjí<sup>2</sup>u'u 'in 'yiaa'níi<sup>2</sup> 'in jo 'in seein<sup>21</sup> tya'a. <sup>4</sup> Pe wana seein<sup>21</sup> jóon<sup>1</sup>on si tyii<sup>21</sup>a 'ee 'ii 'ná<sup>1</sup> untiin<sup>13</sup>in jilaa<sup>21</sup> 'ee 'e 'ná<sup>1</sup> seein<sup>21</sup> tsacøøi<sup>13</sup> tya'a coon<sup>13</sup> la joon ityi<sup>1</sup> jilaa<sup>21</sup> 'e røø<sup>21</sup>i tsacøøi<sup>13</sup> tya'a tsu la joon 'e tyá<sup>2</sup> joongi la joon tí<sup>2</sup>-tsi Dios. <sup>5</sup> 'In 'yiaa'níi<sup>2</sup> 'in jo seein<sup>21</sup> tya'a 'in tsái<sup>1</sup>-tsi Dios mi<sup>1</sup>i tyani Dios joon faa<sup>21</sup>a júu<sup>3</sup> tyá<sup>2</sup> la 'woo<sup>1</sup> jmí<sup>1</sup>. <sup>6</sup> Pe 'in 'yiaa'níi<sup>2</sup> 'in seein<sup>21</sup> jmai<sup>2</sup> unjløøi<sup>13</sup> 'ña'a jo tsaa<sup>1</sup>-tsi Dios, xufin<sup>13</sup> jii<sup>1</sup>o pe líi<sup>1</sup>i lawa jaain<sup>21</sup> 'in najúun<sup>2</sup>mo. <sup>7</sup> Cwo'i<sup>2</sup>i 'e júu<sup>3</sup> lo 'in jai<sup>2</sup> líi<sup>2</sup> 'e jo lí<sup>2</sup> cwoo<sup>1</sup> tsá<sup>2</sup> tsaa<sup>2</sup>. <sup>8</sup> Wa jo unjí<sup>2</sup>in tsá<sup>2</sup> tsaruu<sup>21</sup>i, joon tyiin<sup>2</sup>mo 'in taai<sup>2</sup> inuu tya'a, líi<sup>1</sup>i lawa jaain<sup>21</sup> 'in jo untiin<sup>13</sup>in jilaa<sup>21</sup> 'e jin<sup>2</sup>in 'e jo<sup>1</sup> líi<sup>2</sup>. Joon gó<sup>2</sup>gi 'ii lagi 'in jo tsaa<sup>1</sup>-tsi Dios.

<sup>9</sup> Jo taan<sup>1</sup>u'un ni mo'jí<sup>2</sup> 'in 'yiaa'níi<sup>1</sup> 'in jo mo tsín<sup>1</sup> sesenta jii<sup>21</sup> joongi coon<sup>21</sup> naa<sup>13</sup> 'e gacui<sup>2</sup> cwoo<sup>21</sup>o. <sup>10</sup> Lí<sup>2</sup>-i litaan<sup>1</sup>u'un mo'jí<sup>2</sup> wa'a cwii<sup>1</sup>in tsá<sup>2</sup> 'ii jii<sup>13</sup> 'e tyá<sup>2</sup> 'e nigajmaa<sup>1</sup>a. Wa'a nigaunjí<sup>2</sup>in jóon<sup>1</sup>on joongi wa'a nigacwoo<sup>1</sup>o 'nú<sup>1</sup> li joon<sup>1</sup> tsá<sup>2</sup>. Joongi wa'a nigauncoon<sup>13</sup>o tsaru<sup>1</sup>u'. Joongi wa'a nigauncoon<sup>13</sup>o 'in seein<sup>21</sup> fa'i<sup>3</sup>. Joon wa'a gacwoo<sup>2</sup>-tsi 'in 'yiaa'níi<sup>2</sup> do 'e jmoo<sup>1</sup>o jilaa<sup>21</sup> 'e tyá<sup>2</sup> lí<sup>2</sup>-i taan<sup>1</sup>u'un mo'jí<sup>2</sup>.

11 Pe jo taan<sup>1</sup>u'un mo'jí<sup>2</sup> 'in 'yia'ní<sup>2</sup> 'in xuui<sup>212</sup>gi tsu 'ii ili'in<sup>212</sup>in cui<sup>2</sup>-cwo<sup>21</sup>o tún<sup>1</sup> joon t<sup>21</sup>o júu<sup>3</sup> tya' Cristo. 12 Joon ilí<sup>2</sup> tsaa<sup>2</sup> tya'a tsu jo gauntiin<sup>13</sup>in júu<sup>3</sup> gajin<sup>2</sup>in nifu. 13 Joon mi lichin<sup>2</sup>gi joon ili-jó<sup>2</sup>mo joon ingí<sup>1</sup> la tyi 'ná<sup>1</sup>. Joon jiin<sup>13</sup> 'e jó<sup>1</sup>mo pe ngi<sup>1</sup> tyá<sup>2</sup> júu<sup>3</sup> 'atsaa<sup>21</sup> coon<sup>13</sup> tsá<sup>2</sup>. Coon<sup>21</sup>on cwáain<sup>1</sup> 'ee seen<sup>21</sup> tsá<sup>2</sup> xeei<sup>21</sup> siii<sup>1</sup> júu<sup>3</sup> 'e jo tíi<sup>2</sup>. 14 Tsu 'wii<sup>13</sup> la joon 'iin<sup>212</sup>na 'e cuu<sup>21</sup>i 'in 'yia'ní<sup>2</sup> xuui<sup>212</sup>gi do cwo<sup>21</sup>o. Joon liseein<sup>21</sup> jóon<sup>1</sup>on. Joon 'ii-o inii<sup>21</sup> 'ná<sup>1</sup> joon jo cwooi<sup>1</sup> faa<sup>21</sup>a tsá<sup>2</sup> 'laa<sup>21</sup> tya'a. 15 Tsu 'inlíi<sup>13</sup> 'yia'ní<sup>2</sup> gat<sup>2</sup>o júu<sup>3</sup> tya' Cristo joon galí<sup>1</sup>i tsá<sup>2</sup> tya' 'in 'líi<sup>3</sup>.

16 Joon wana tsañ<sup>1</sup> si tsamí<sup>2</sup> 'ee seen<sup>21</sup> in<sup>21</sup> tya'a jaain<sup>21</sup> 'yia'ní<sup>2</sup> 'ná<sup>1</sup>-a unjí<sup>2</sup>in mo 'ido. Jo cwo<sup>3</sup>o unjí<sup>2</sup>in 'in jai<sup>2</sup> líi<sup>2</sup> tsu jiin<sup>13</sup> la joon lí<sup>2</sup>-i unjí<sup>2</sup>in 'in jai<sup>2</sup> líi<sup>2</sup> 'in 'yia'ní<sup>2</sup> 'in jo 'in seen<sup>21</sup> tya'a.

17 Cwoun'goo<sup>21</sup>gi tsá<sup>2</sup> 'áai<sup>1</sup>gi 'in tsacøøi<sup>13</sup> 'in jmoo<sup>1</sup>o to<sup>2</sup> tya'a tyá<sup>2</sup>. Tyiin<sup>2</sup>gi 'in cwó<sup>2</sup> júu<sup>3</sup> tyá<sup>2</sup> joon 'in 'e<sup>2</sup>e tsá<sup>2</sup>. 18 Tsu ni jí<sup>2</sup> tya' Dios jin<sup>2</sup>in: “Jo toon<sup>2</sup>oon' noo<sup>13</sup> moo'oo<sup>2</sup>o joo'tsáa<sup>2</sup> mo 'ø<sup>1</sup>ø mi<sup>3</sup> trigo mo untyá<sup>2</sup> tsá<sup>2</sup>.” Joon jin<sup>2</sup>in: “In jmoo<sup>1</sup>o to<sup>2</sup> tíi<sup>2</sup>mo 'ii<sup>21</sup>i 'lee<sup>13</sup>i.”

19 Jo unjí<sup>2</sup>in wana seen<sup>21</sup> jaain<sup>21</sup> tsá<sup>2</sup> cwo<sup>1</sup>o tsaa<sup>2</sup> tsacøøi<sup>13</sup> tyani<sup>1</sup>in. Pe wana tí<sup>2</sup> gáí<sup>1</sup> gaai<sup>21</sup> tsá<sup>2</sup> joon 'ná<sup>1</sup> nuu<sup>2</sup>un júu<sup>3</sup> tya'a. 20 Jileei<sup>21</sup> 'in 'noo<sup>1</sup>o tsaa<sup>2</sup> jí<sup>2</sup>nu'un tyani jileei<sup>21</sup> 'e 'in catyaaí<sup>2</sup> do itoon<sup>21</sup>on fo<sup>2</sup>-tsi cwoli'goo<sup>21</sup>o. 21 Tyí<sup>3</sup>aa cwo<sup>1</sup>o 'elo tyani Dios joongi tyani Jesucristo coon<sup>13</sup> 'in ángeles tya'a 'in nigatyí<sup>13</sup>in: Cwojmaa<sup>21</sup>a jilaa<sup>21</sup>

'elo júu<sup>3</sup> røø<sup>21</sup>. 'Ná<sup>1</sup> jmaa<sup>21</sup>a coon<sup>21</sup> røø<sup>2</sup>mo tsá<sup>2</sup>.  
 22 Jo tyi<sup>1</sup>u'u jaain<sup>21</sup> tsañ<sup>uu</sup><sup>1</sup> ilíin<sup>2</sup> tsaa'to<sup>2</sup> jee<sup>212</sup> 'in  
 jai<sup>2</sup> líi<sup>2</sup> la jmoonoo, tsu wana ga'láa<sup>1</sup> a lawa'a ga'i<sup>1</sup>u'u  
 tsaa<sup>2</sup> tya'a. Jo un'lii<sup>2</sup>u'u 'wo'o coon<sup>13</sup> cwáain<sup>1</sup> lo.

23 Lawa mo tsaa<sup>13</sup> tuu<sup>1</sup>u joon mo tí<sup>1</sup> coon<sup>21</sup>  
 naa' mo li tsaa<sup>12</sup>'a 'wo'o jo 'uu<sup>12</sup>'u jiin<sup>13</sup> jmü<sup>21</sup> pe  
 'uu<sup>3</sup>xu<sup>u</sup> vino ijmá<sup>1</sup> mí<sup>1</sup> tyi'i.

24 Jilaa<sup>21</sup> tsaa<sup>2</sup> tya<sup>1</sup> 'inlíi<sup>13</sup> lí<sup>2</sup>-i jná<sup>2</sup> nii<sup>2</sup> la nu'gi  
 'e lisá<sup>2</sup> 'ii<sup>21</sup>. Pe tsaa<sup>2</sup> tya<sup>1</sup> 'in catyaa<sup>2</sup> ijná<sup>2</sup> nii<sup>2</sup>  
 cüin<sup>21</sup>giXu. 25 La joon jon jilaa<sup>21</sup> 'e tyú<sup>2</sup> 'e jmoo<sup>1</sup>o  
 'inlíi<sup>13</sup> iliñii<sup>1</sup> tsá<sup>2</sup> la jmoonoo. Joon 'e catyiaa<sup>2</sup>gi  
 iliñii<sup>1</sup> tsá<sup>2</sup> cüin<sup>21</sup>giXu.

## 6

1 Jileei<sup>21</sup> tsá<sup>2</sup> 'in jai<sup>2</sup> líi<sup>2</sup> Cristo 'in nitaai<sup>2</sup>  
 tya' ñi'fii<sup>212</sup>i 'ná<sup>1</sup>-a un'goo<sup>21</sup>o ñi'fii<sup>212</sup>i la coon<sup>21</sup> jo  
 cwofaa<sup>21</sup>a tsá<sup>2</sup> 'laa<sup>21</sup> tya' 'e sii<sup>21</sup> Dios coon<sup>13</sup> ji-  
 laa<sup>21</sup> 'e 'ee<sup>21</sup>e'. 2 Joon wana jo<sup>1</sup> líi<sup>2</sup> ñi'fii<sup>212</sup> do  
 Cristo 'in nitaai<sup>2</sup> tya'a do 'ná<sup>1</sup> un'goo<sup>21</sup>gi ñi'fii<sup>212</sup>i.  
 Joon 'ná<sup>1</sup> jmaa<sup>1</sup>a to<sup>2</sup> tyú<sup>2</sup> tya' ñi'fii<sup>212</sup>i do tsu 'wii<sup>13</sup>  
 jo<sup>1</sup>o líi<sup>2</sup> Cristo. Joon mo jmoo<sup>1</sup>o 'in taai<sup>2</sup> tya'a  
 to<sup>2</sup> jmoo<sup>1</sup>o to<sup>2</sup> tya' jaain<sup>21</sup> 'in jo<sup>1</sup>o líi<sup>2</sup> Dios joon  
 'iin<sup>212</sup>mo Dios 'ii. 'E<sup>2</sup>du'u joon cwotyaa<sup>1</sup>-tsi tsá<sup>2</sup> 'e  
 jmáa<sup>1</sup>a 'e júu<sup>3</sup> lo.

*In jai<sup>2</sup> líi<sup>2</sup> 'ná<sup>1</sup> jløø<sup>3</sup>mo*

3 Joon wana 'e<sup>1</sup>e tsá<sup>2</sup> júu<sup>3</sup> xii<sup>21</sup>a jmoo<sup>1</sup> 'ido jloo<sup>3</sup>  
 'na'a. Jo røø<sup>21</sup> sí<sup>1</sup>i coon<sup>13</sup> júu<sup>3</sup> tyú<sup>2</sup> 'e ga'ee<sup>1</sup>  
 Ña'ñu<sup>1</sup>'u' Jesucristo, jon'gi jo røø<sup>21</sup> sí<sup>1</sup>i coon<sup>13</sup> júu<sup>3</sup>  
 'e 'e<sup>1</sup>e tsá<sup>2</sup> xiiala ngí<sup>1</sup> tsá<sup>2</sup> tyú<sup>2</sup>-u tyani Dios. 4 Tsá<sup>2</sup>  
 'in jo ñii<sup>1</sup> 'ii coonti. Jiin<sup>13</sup> 'iin<sup>212</sup>in 'ido jo cwo<sup>1</sup>o

júu<sup>3</sup> ruu<sup>21</sup>i coon<sup>13</sup> jilaa<sup>21</sup> 'e s̄i<sup>1</sup>i. Joon jii<sup>13</sup> coon<sup>13</sup> 'elo-o lí<sup>2</sup>-i lit̄i<sup>13</sup> tsá<sup>2</sup> 'e tsiwúu<sup>1</sup>i, jo cwo<sup>1</sup>o júu<sup>3</sup> ruu<sup>21</sup>i, faa<sup>21</sup>a tsá<sup>2</sup> 'laa<sup>21</sup> tya' tsá<sup>2</sup> xeei<sup>21</sup>, joon cu<sup>2</sup>-tsi tya'a. <sup>5</sup> Tsá<sup>2</sup> 'in gó<sup>2</sup> 'i<sup>1</sup>-tsi 'in 'noo<sup>1</sup>o m̄i<sup>13</sup> coon<sup>21</sup> t̄ø<sup>2</sup>mo. Tsá<sup>2</sup> jo ñi<sup>1</sup> la jai<sup>2</sup>. 'In tsá<sup>2</sup> do 'i<sup>1</sup>-tsi 'e ijnáa<sup>1</sup>a cuu<sup>2</sup> wa'a un'goo<sup>21</sup>o Dios. Jee<sup>21</sup>mo'o coon<sup>13</sup> 'in jmoo<sup>1</sup>o la joon. <sup>6</sup> Pe wana nḡi<sup>21</sup>i 'e tyú<sup>2</sup>-u tyani Dios sá<sup>2</sup> 'lee<sup>13</sup>na' wa nḡi<sup>21</sup>i 'yaai<sup>1</sup>-tsi'. <sup>7</sup> Tsu jo 'ee lé<sup>3</sup>e' coonti 'e juncwii<sup>21</sup> lo, la joon jon jo 'ee lí<sup>2</sup> lee<sup>21</sup>e' jii<sup>13</sup> coon<sup>21</sup> mi júun<sup>2</sup>na'. <sup>8</sup> Joon wana 'oo<sup>21</sup>o' sin<sup>1</sup>in' joongi 'e tyé<sup>3</sup>e' cwojmoo<sup>21</sup>o' jl̄ø<sup>13</sup>mo'. <sup>9</sup> Jileei<sup>21</sup> 'in 'iin<sup>212</sup>in lisá<sup>2</sup> cuu<sup>2</sup> tya'a jo itaa<sup>21</sup>a tya'a joon 'ii<sup>21</sup>o lawa coon<sup>21</sup> sí<sup>2</sup> tya' 'in 'l̄i<sup>13</sup>. Jilaa<sup>21</sup> 'e súun<sup>2</sup>in ijmáa<sup>1</sup>a 'ni<sup>21</sup> tya' 'in 'iin<sup>212</sup>in joon ip̄iin<sup>2</sup> 'ña'a li jo tiin<sup>13</sup> tsá<sup>2</sup>. <sup>10</sup> Suun<sup>21</sup>un tsá<sup>2</sup> cuu<sup>2</sup> 'wii<sup>13</sup> joon jó<sup>1</sup> jilaa<sup>21</sup> 'e gó<sup>2</sup> tya'a. Joon 'inl̄i<sup>13</sup> nigasuun<sup>2</sup>mo, nigatuu<sup>21</sup>o júu<sup>3</sup> tyú<sup>2</sup> tya' Dios joon l̄i<sup>13</sup> wúu<sup>1</sup> niganii<sup>21</sup> juncwii<sup>21</sup> tya'a.

*Cwojmaa<sup>2</sup>o'o la ngóo<sup>1</sup> 'naai<sup>13</sup> 'e jai<sup>2</sup> l̄i<sup>2</sup>u*

<sup>11</sup> Pe 'n̄u-u, tsu 'wii<sup>13</sup> tsá<sup>2</sup> tya' Dios 'n̄u, t̄ú<sup>2</sup> jilaa<sup>21</sup> 'e gó<sup>2</sup> lo, joon cwocwoo<sup>13</sup>-o'o 'e jmaa<sup>2</sup>a 'e tyú<sup>2</sup>. Jmaa<sup>2</sup>a to<sup>2</sup> tyu<sup>2</sup> Dios. Jo<sup>1</sup>gi cwoli<sup>2</sup>un. Cwoli'in<sup>212</sup>moḡi' Dios coon<sup>13</sup> tsá<sup>2</sup>. Jmaa<sup>2</sup>a taa<sup>21</sup>-o'o. 'Wo<sup>2</sup>-o'o jmaa<sup>2</sup>a tya' tsá<sup>2</sup>. <sup>12</sup> Cwocwoo<sup>13</sup>-o'o ce caai<sup>21</sup>-o'o nḡi<sup>21</sup>i la niganiḡi<sup>1</sup> 'in jai<sup>2</sup> l̄i<sup>13</sup> Cristo. Cwoo<sup>13</sup>-o'o 'e nḡi<sup>21</sup>i coon<sup>13</sup> Dios 'e seen<sup>21</sup>mo'o coon<sup>13</sup>on coon<sup>21</sup> t̄ø<sup>2</sup>mo, tsu la joon gat̄ø<sup>11</sup>ø Dios 'n̄u. Joon tyani tsá<sup>2</sup> fúui<sup>1</sup> niga'i<sup>1</sup>i júu<sup>3</sup> jilaa<sup>21</sup> 'e nigajmaa<sup>1</sup>a Dios 'wii<sup>212</sup> tyi'i. <sup>13</sup> Joon nano 'i<sup>13</sup> 'n̄u júu<sup>3</sup> tyani Dios 'in cwo<sup>1</sup> juncwii<sup>21</sup>

tya' jileei<sup>21</sup> 'in seein<sup>21</sup> joongi tyani Jesucristo 'in gajmaa<sup>1</sup>a júu<sup>3</sup> jai<sup>2</sup> 'e tyú<sup>2</sup>-u tyani Poncio Pilato. <sup>14</sup> Jo cuu<sup>13</sup>u'un jmaa<sup>2</sup>a jilaa<sup>21</sup> to<sup>2</sup> gacwo<sup>1</sup>o Dios 'nu 'e jo lí<sup>2</sup> faa<sup>21</sup>a tsá<sup>2</sup>'laa<sup>21</sup> jiin<sup>13</sup> coon<sup>21</sup> ca mi tyu<sup>2</sup> Dios Jmii<sup>21</sup> to<sup>2</sup> 'e jneeí<sup>1</sup> Ña'ñu<sup>1</sup>u' Jesucristo. <sup>15</sup> Tshu mi tyíia<sup>1</sup> 'ii<sup>21</sup> tya' Dios Jmii<sup>21</sup> ijmáa<sup>1</sup>a lí<sup>2</sup> jilaa<sup>21</sup> 'elo. Jiin<sup>13</sup> Dios Jmii<sup>21</sup> lí<sup>2</sup> lí<sup>2</sup>in tsaa<sup>2</sup>to<sup>2</sup> 'in feei<sup>1</sup>gi. Joon 'in cwaa<sup>3</sup>mo 'ii. Joon 'ii-o lí<sup>1</sup>i røøi<sup>13</sup> 'in feei<sup>2</sup>gi la jee<sup>212</sup> jileei<sup>21</sup> røøi<sup>13</sup> catyaa<sup>2</sup>gi do. La joon jon 'ii-o tsaa<sup>2</sup>to<sup>2</sup> 'in feei<sup>1</sup>gi la jee<sup>212</sup> jileei<sup>21</sup> tsaa<sup>2</sup>to<sup>2</sup>. <sup>16</sup> Jiin<sup>13</sup> 'ii-o lí<sup>2</sup> cwo<sup>1</sup> tsá<sup>2</sup> 'e seein<sup>21</sup> tsá<sup>2</sup> coon<sup>21</sup> tøø<sup>2</sup>mo tshu jo tyéi<sup>1</sup> 'ii. Joon táan<sup>1</sup>in lí jná<sup>2</sup> joo<sup>21</sup> líi<sup>1</sup>. Joon jo lí<sup>2</sup> tsá<sup>2</sup> tsatyéin<sup>1</sup>in. Joon jo mo nigalijøø<sup>2</sup>i tsá<sup>2</sup> 'ii jon'gi lí<sup>2</sup> jøø<sup>2</sup>i tsá<sup>2</sup> 'ii. Cwoun'goo<sup>21</sup>o tsá<sup>2</sup> 'ii ce jileei<sup>21</sup>. Cwolisá<sup>2</sup> 'ii<sup>21</sup> tya'a coon<sup>21</sup> tøø<sup>2</sup>mo. Amén.

<sup>17</sup> Cwotyá<sup>3</sup>a-tsi 'in sá<sup>2</sup> cuu<sup>2</sup> juncwii<sup>21</sup> lo 'e jo unjløøi<sup>13</sup> 'ña'a jon'gi ngi<sup>1</sup> cu<sup>2</sup>-tsi cúu<sup>1</sup>u pe ngi<sup>1</sup>o jo cu<sup>2</sup>-tsi tya' Dios 'in jiin<sup>1</sup>. 'Ii-o cwo<sup>1</sup>o jna' jilaa<sup>21</sup> 'e jløø<sup>13</sup>na'. <sup>18</sup> Cwotyá<sup>3</sup>a-tsi 'ido 'e jmáa<sup>1</sup>a 'e tyú<sup>2</sup>. Joon cwoliseein<sup>21</sup> 'e tyú<sup>2</sup>-u coon<sup>13</sup> jilaa<sup>21</sup> tyú<sup>2</sup> 'e jmoo<sup>1</sup>o. 'Ná<sup>1</sup>-a tyaa<sup>1</sup> 'ido tyú<sup>2</sup> tya'a 'e cwo<sup>1</sup>o tsá<sup>2</sup> 'e 'oo<sup>1</sup>-o joon uncoon<sup>13</sup>on 'ii 'in tyéin<sup>13</sup> jmii<sup>212</sup>. <sup>19</sup> 'E tyú<sup>2</sup> 'e jmoo<sup>1</sup>o do 'e lí<sup>2</sup> lawa tsá<sup>2</sup> jñi<sup>1</sup> cwuu<sup>21</sup>, 'iin<sup>2</sup>in uncwu<sup>2</sup> mi jñi<sup>2</sup> do, pe joon mo roo<sup>21</sup> joon coon<sup>21</sup> tsá<sup>2</sup> 'láai<sup>2</sup>gi lagi ga'iin<sup>2</sup> mo gajñi<sup>1</sup>i do. Coon<sup>13</sup> la joon ilisá<sup>2</sup> juncwii<sup>21</sup> tya'a 'e jo<sup>1</sup>.

*Tyaa<sup>1</sup> Poo<sup>2</sup> cwoo<sup>21</sup>o Timoteo 'e cwo<sup>1</sup>gi tsá<sup>2</sup> júu<sup>3</sup> tyú<sup>2</sup>*

<sup>20</sup> Timoteo, un'øøi<sup>1</sup> jilaa<sup>21</sup> 'e gatyaa<sup>1</sup> Dios cwoo<sup>1</sup>o. Jo núu<sup>3</sup>un júu<sup>3</sup> 'e jo tseein<sup>21</sup> jon'gi 'e jo to<sup>2</sup>

'íi<sup>3</sup>in coon<sup>'13</sup> jilaa<sup>'21</sup> júu<sup>3</sup> 'e jin<sup>'2</sup> tsá<sup>2</sup> 'e 'áai<sup>1</sup>gi jo<sup>'1</sup>, pe  
jon' jo<sup>'1</sup> 'e júu<sup>3</sup> joon. <sup>21</sup> Joon 'inl<sup>íi</sup><sup>13</sup> niganúu<sup>2o</sup> 'e  
júu<sup>3</sup> do joon jo gaantiin<sup>'13</sup>in 'e júu<sup>3</sup> jo<sup>'1</sup> tya' Dios.  
Cwouncwaai<sup>'13</sup> Dios 'næ. Amén.

**Juu<sup>3</sup> ty<sup>2</sup> 'e gafaa<sup>'21</sup> Dios tya' tsá<sup>2</sup>**  
**New Testament in Chinantec, Quiotepec**  
**(MX:chq:Chinantec, Quiotepec)**

copyright © 1983 Wycliffe Bible Translators, Inc.

Language: Chinantec, Quiotepec

Translation by: Wycliffe Bible Translators, Inc.

Chinanteco, Quiotepec [chq], Mexico

**Copyright Information**

© 1983, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Chinantec, Quiotepec

**© 1983, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 11 Nov 2022 from source files  
dated 29 Jan 2022

3808f8d2-c323-5477-a114-0f18fe74613e